

աար ընդ նոսա : և 'ի մեռանիլ Հապէշ երիցու միայ՝ Հայք
կատարեցին զյուզարկաւորութիւն նորին ըստ ծիսի ե-
կեղեցւոյն Հայոց , և թաղեցին 'ի գերեզմանատունս իւ-
րեանց (1652) :

Գ Լ Ո Ւ Խ Խ Զ .

Քաժանումն այրին Ծննդեան 'ի մէջ Հայոց և Յունաց . կախումն կան-
թիղաց : Գործ Եղիազարու : Վէճ՝ Յունաց ընդ Հայո . և վերադին գրա-
ւելոյ նոցա զվիճակն Հապէշաց . սեպհականութիւնք Հապէշաց : Տաղնապ
Եղիազարու : Նուիրակունք Ս . Էջմիածնի : Գրաւումն Ս . Յակոբայ
'ի Յունաց :

ՅԵՏ գրաւելոյ Եղիազարու զբանալի այրին Ծննդեան ,
եղ 'ի մօրի սահմանել նաեւ զժամ՝ պատարագի և պաշտա-
ման Հայոց անդ , բայց խորհէր թէ ո՛րպէս հնարեսցի կար-
գաւորել և զետեղել զկանթեղունս Ս.յրին , զորս բար-
ձեալ էին յառաջագոյն Լատինք՝ և Յոյնք : Եւ մինչ նո
յայտմ խորհրդի էր , եկն յերուսաղէմ յաւուրսն յայնոսիկ
Բղեշխն Քաղպաւ Հիւսէին Փաշայ , գնացին առ նա փո-
խանորդն Յունաց եւ Եղիազար վարդապետ , և միջնոր-
դութեամբ նորին հաշտեցան ընդ միմեանս , և եղեւ խա-
ղալութիւն առ ժամն . ապա հաւանութեամբ երկուց ազ-
գաց սահմանեցաւ որոշել զսպասահարկութիւն Ս.յրին
Բեթղէհէմի յերիս բաժինս 'ի մէջ երկուց ազգաց . ըստ
երկց դրանց Ս.յրին , որք են 'ի հարաւ՝ 'ի հիւսիս եւ յա-
րեւմուտս , որ փակեալ կայր յայնժամ . երկու բաժինն
ընդ Ծննդեան տեղւոյն լինել՝ Յունաց , և մի բաժինն ընդ
Մարոյ տեղւոյն՝ մնալ 'ի ձեռս Հայոց . ունիլ Յունաց կան-
թեղս 42 . որպէս կախեալ էին յիւրաքանչիւր տեղիս .
կախել Հայոց եւս կանթեղս 21 . Յունաց կատարել զպա-
տարագն եւ զպաշտամունս իւրեանց 'ի վերայ Ծննդեան
տեղւոյն , և Հայոց 'ի վերայ տեղւոյն Մարոյ : Հարաւային
դուռն և բանալի նորին մնալ 'ի ձեռս Յունաց և դնել
զմի դռնասլան 'ի միաբանաց նոցին : Դուռն հիւսիսային և